


大  
易  
則  
通


大易則通卷第十五

仙井胡世安處靜述

天之數之地之數



# 五 位 相 合



此明河圖之數天地之中太極一也其所以爲數者不  
過一陽一陰一奇一偶以兩其五行而已陽數奇故  
一三五七九皆屬天陰數偶故二四六八十皆屬地  
自一而二而三而四而五而六而七而八而九而十  
皆順乎先後之序而不容間如兄弟之有序也一生  
六成二生七成三生八成四生九成五生十成各辨  
其奇偶之類而不容紊如夫婦之有別也天地之數  
皆從中起中之一五爲五也外之一三七九統於此  
一五曰天數五中之二五爲十亦五也外之二四六  
八統於此二五曰地數五數之所居者位其位中北

南東西亦五凡數生於五而成於十故天數一九合而爲十三七合而爲十合中一五則二十有五地數二八合而爲十四六合而爲十上下二五合而爲十共三十總併天地奇偶之全五十有五蓋天地以此五十有五而後爲完備也

天地只有一十數衍而爲百千萬億之无算者此十之積也十數又只始於一數自二至十皆此一之積也一上更有何物所謂易有太極是也太極超乎數之外而實行乎數之中故一者渾具太極者也自天一至地十細積之已自具五十有五之數其下不過申


明此十數而已天地人物古往今來萬事萬變與夫鬼神情狀皆在此數包羅中矣

天數地數旣已曰數矣河圖之數卽河圖之蘊後儒謂此特數非理也豈知天下无理外之數又豈有數外之理哉況河圖自一至十爲數五十有五洛書自一至九爲數四十有五合之爲數者百著草叢生其數亦百可當大衍之數者二故圖書位數與易卦合而揲著掛扚之數所以定卦爻過揲之數所以定乾坤之策而當期日合二篇策而當萬物之數可見圖書數之原著策數之衍要皆出於天而聖人无所造作

於其間也學易者烏可以爲數而忽之

邵子曰天一地二天三地四天五地六天七地八天九地十參伍以變錯綜其數也如天地之相銜晝夜之相交也一者數之始而非數也故二二爲四三三爲九四四爲十六五五爲二十五六六爲三十六七七爲四十九八八爲六十四九九爲八十一而一不可變也百則十也十則一也亦不可變也故數去其一而極於九皆用其變者也二十五天數也三十六乾之策數也四十九大衍之用數也六十四卦數也八十一玄範之數也又曰陰无一陽无十

# 參天兩地圖




乾元用  
 九參天  
 也坤元  
 用六兩  
 地也九  
 六止用  
 生數故  
 曰參天  
 兩地而  
 倚數






# 參伍以變圖

天一下生地六



地二上生天七



天三左生地八

地四右生天九

天地之數各相參配錯綜往來而相生故生成之數大備而天地之文生焉繫傳參伍以變通其變遂成天地之文此之謂也


# 參 伍 以 變 圖



☰ 坤參乾  
一為巽

☳ 坤參乾  
二為離

☷ 坤參乾  
三為兌



☷ 乾參坤  
一為震

☵ 乾參坤  
二為坎

☴ 乾參坤  
三為艮

瞿睿父曰參

伍所以為錯

綜者錯綜所

以成參伍者

自錯綜之象

成而六十四

卦始備自錯

綜之法立而

六十四卦始

成

王氏曰三相參謂參五相伍謂伍以乾畫參坤畫變之爲震坎艮以坤畫參乾畫變之爲巽離兌所謂參以變也象天地合德陰陽交感也一與九相伍二與八相伍三與七相伍四與六相伍五與五相伍如行伍然合爲大衍之數五十所謂伍以變也

參天則天一天三天五總而爲九兩地則地二地四合而爲六方其揲著七九八六皆以爲用及其成卦舍七取九舍八取六尙於一偏是謂倚數

奇數皆天偶數皆地生以天者成以地生以地者成以天天若地特陰陽之進退出入奇偶之體用分合而

已說卦參天兩地而倚數觀變于陰陽而立卦發揮  
于剛柔而生爻大傳參伍以變錯綜其數通其變遂  
成天地之文極其數遂定天下之象其曲盡乎至妙  
之用者河圖法也

其曰參兩曰參伍者通其數之所變以用也參也者一  
二之所以變也由一自分以二起目爲對則見二而  
不見其一矣其一又自參出於二之中故三也參法  
卽一小成是三畫之立見人參於天地中以生也積  
三小成參其三而合於乾元用九是參之始制卽陽  
奇謂天者所由然也兩也者由一生二起而對立既

以象因之兩其二以象四象天一本自一而二參其一以爲三以二本一對豈不得二其三而竝對之乎故從而三其二以成六合於坤元用六是兩之始制兼三才而兩之故六因之六畫成卦六位成章卽陰偶謂地者亦由然也由是參與兩交以合之是伍也兩其二伍則又什矣十特見於參九之外則又一之所由以寄者也何以明之參之兩之伍而什之皆人文之爲而自然與天地合者攷參兩伍之文立人於維中維旁者斯可默識古人立心立極之制有在矣參兩一小成又必參之爲參天兩之爲兩地是天地之


數无從而合且分矣乃以初不入用之一數寄於十以行其中爲之分且合以成象數是一也求諸圖如環无端莫見何在所見惟十爾夫參其三三與兩其三二合而爲大參兩斯有以見天地渾成一始終也至所謂參伍者伍以前之數少於五无所用伍伍以後之數多於五故參以五伍於其中錯且綜之而行其制中之法也大傳於參伍錯綜必謂通其變極其數乃知傳曰天數五地數五五位相得而各有合卽圖之數矣

夫參天者成象謂乾於是參陽數之三三以統乾元用

九而參中有兩陽中見陰兩地者效法謂坤於是兩  
陰效之二二效法於乾參其二而六之以會坤元用  
六而兩中用參陰中見陽以是見一陰一陽變而通  
之於天地間所以必參兩也參兩所以必九六也其  
曰參兩曰參伍兩伍必倚參而言者蓋參乃乾元以  
一函三體用同原之數坤從此立而六子由之錯綜  
以生離參無所謂兩伍矣惟研幾者知其一卽知所  
以參

# 六 爻 三 極

上 五 四 三 二 初






卦爻有初二三四五上者位也其畫自下而上以第一位爲初第六位爲上初三五陽位二四上陰位九剛爻六柔爻六爻一剛一柔生於初陽二陰三陽四陰五陽上陰之位或剛居陰或柔居陽相推變化曰動惟極則動剛柔在初二位居下爲地極地之道也在三四位居中爲人極人之道也在五上居上爲天極天之道也剛柔變化而後曰三極其變化者道也故不曰象或謂三極乃太極所生蒙引云易中語道體曰太極語太極流行曰道道妙曰神易有太極推原於卦爻未生之先三極之道推究於卦爻已動之後

# 乾 坤 六 子 之 圖

乾下交坤



乾下交坤



乾下交坤




成震長男

成坎中男

成艮少男

坤上交乾



坤上交乾



坤上交乾



成巽長女

成離中女

成兌少女

邵子曰太極既分兩儀立矣陽下交於陰陰上交於陽  
四象生矣陽交於陰陰交於陽而生天之四象剛交  
於柔柔交於剛而生地之四象於是八卦成矣八卦  
相錯然後萬物生焉是故一分爲二二分爲四四分  
爲八八分爲十六十六分爲三十二三十二分爲六  
十四故曰分陰分陽迭用柔剛易六位而成章也十  
分爲百百分爲千千分爲萬猶根之有幹幹之有枝  
枝之有葉愈大則愈小愈細則愈繁合之斯一衍之  
斯萬是故乾以分之坤以翕之震以長之巽以消之  
長則分分則消消則翕也

有以後天卦位言者阮嗣宗通易論曰卦體開闢乾以一爲開坤以二爲闢乾坤成體而剛柔有位故木老於未水生於申而坤在西南火老於戌木生於亥而乾在西北剛柔之際也故謂之父母陽承震動發而相承專制遂行萬物以興故謂之長男水老於辰金生於巳一氣存之終而後起故巽爲長女振發於風陰德有紀火中鳴鳴母道將始故離爲中女又在西北健戰將升季陰幼昧衰而不勝故兌爲少女倉中拔留肇幽爲陽在中未達含而未寧故坎爲中男周流接合萬物既終造端更始明而未融故艮爲少男

乾員坤方女柔男剛健順時推而禍福是將

乾三男坤三女男女卽指卦中一陰一陽而言其實震卽乾之初爻坎卽二爻艮卽三爻巽卽坤之初爻離卽二爻兌卽三爻是六子卽乾坤之變化也要之六十四卦三百八十四爻皆八純卦之變八純卦皆乾坤之變乾坤二卦而坤亦乾之變耳可見有乾卽有坤有乾坤卽有震巽坎離艮兌有八卦卽有六十四卦三百八十四爻易之變无窮孰非自然者哉


乾一函三故索爲三男而皆奇坤二函六故索爲三女而皆偶此天地生成之理至妙者也

# 乾 坤 大 父 母 圖



乾一變姤二變  
 遯三變否至五  
 變剝而止物不  
 可以終盡剝窮  
 上反下故受之  
 以復坤一變復  
 二變臨三變泰  
 至五變夬而止  
 夬必有遇故受  
 之以姤姤三變

# 姤復小父母母圖



一陽來復變二陽  
 臨至泰為四陽至  
 大壯為八陽至夫  
 為十四陽終其變  
 於歸妹成十六陽  
 一陰始姤變二陰  
 遯至否為四陰至  
 觀為八陰至剝為  
 十四陰終其變於  
 隨成十六陰

兩間化育樞機不過陰陽而已乾以純陽尸生而必資  
乎坤以爲奇配偶之倡坤以純陰職成而必從乎乾  
以爲偶匹奇之率而後六子之索派衍益繁是六十  
二卦无一非宗所自出於乾坤也因其大生廣生故  
有大父母之稱據圖僅以積陽積陰各五卦明之尙  
非推本之論蓋自太極分儀象以位乾坤其象數雖  
止於八八用數雖止於七七而消息盈虛之故往來  
變化之宜循環无端敘引不紊歷千萬八八七七而  
如一倘非胚胎於大父母者純粹精而且永貞奚克  
有此哉父母曰大則小父母統於是矣如李之才卦




圖以復姤臨遯否泰生六十四卦則可稱小父母者  
不獨復姤此時舉得陽陰之初倪小宗之始必歸之  
故云然耳義象詳具伏易二卦人知萬類化生一本  
於乾坤而嗣續於乾坤之初索則其研幾於動靜互  
根消長迭運者當先有以立其本矣

先天後天觀天文圖



先 天 後 天 察 地 理 圖




易與天地準故能彌綸天地之道仰以觀于天文俯以察于地理

說卦仰以觀于天文俯以察于地理以者指太極言俯仰者指聖人此一圖內先天後天圓象九野方象九州分野之義先儒本易而圖此者

易卦悉本乾坤乾坤非徒奇偶之象卦爻之變化也在天成象在地成形凡四時陰陽之迭運八方剛柔之異宜親上親下類聚羣分莫非天地之法象莫非卦爻之布列盈目前皆易也古聖人諄諄於俯仰觀察正以是易也无遠近精粗无內外隱顯退藏於密者卽所以周流六虛感而遂通仍寂然无思爲之神則未盡以前不離乎有象之外也有如此

乾 知 大 始



一陽生於子

二陽在丑三

陽在寅四陽

在卯五陽在

陽生辰六陽在巳

於子而乾位西北


居子之前故

曰乾知大始

言乾以父道

始天地萬物也

坤 作 成 物




一陰生於午  
 陰在未三陰在  
 申四陰在酉五  
 陰在戌六陰在  
 亥而坤位西南  
 蓋西南方申也  
 物成於正秋酉  
 也坤作於申成  
 於酉故曰坤作  
 成物

二圖以十二支分屬知始之乾作成之坤不太析乎此  
殆託以明象也一氣翕闢而爲陰陽陽本闢也翕卽  
爲陰陰本翕也闢卽爲陽如從冬至一陽至四月純  
陽皆乾陽用事物皆由之以知始矣從夏至一陰至  
十月純陰皆坤陰用事物皆由之以作成焉卽一歲  
間知始作成固如此推之元會運世莫不然且其知  
大始者非乾自乾而无與於坤作成物者非坤自坤  
而无與於乾乾其盡坤所作成者而始之坤其盡乾  
所知始者而成之也觀資始資生之彖可見萬物由  
乾而始由坤而生也旣曰乾元資始又曰乾道變化

各正性命保合太和則是萬物至於各正保合不其  
作成矣乎而乾道變化爲坤可知旣曰坤元資生矣  
又曰後得主而有常萬物化光謂非坤之自後得乾  
以爲主乎所以乾利貞在乎變化爲坤坤利貞在乎  
柔順從乾陰陽翕闢惡可判然二之哉惟真知其分  
而非一於分合而非一於合則二圖以十二辰分屬  
知始作成奚不可

# 類聚羣分圖






坎北震東乾西北艮東北四卦皆陽也離南兌西巽東南坤西南四卦皆陰也故曰方以類聚一聚於六而分乾坎四聚於九而分坤兌二聚於七而分離巽三聚於八而分震艮故曰物以羣分謂陰陽兩物也得朋則吉乖類則凶此吉凶所以生也又別載二圖小異見左

先儒謂類聚者各相從而聚於此分而合也羣分者自此而析之於彼合而別也方物各止於其所而不相與則无得失或類聚或羣分則有得失得則吉失則凶一者因此而生

# 方以類聚



坎北方也乾以木之成數類聚於西北震東方也艮以木之成數類聚於東北離正南也巽以火之生數類聚於東南兌正西也坤以金之生數類聚於西南故八卦各以其方而類聚雖曰本天親上本地親下亦類聚之道也然析觀其所聚而四方之各一其類者莫不皆然

一云上體天爲陽方下體地爲陰方剛與柔爲類柔與剛爲類凡陽方剛柔爲類聚之凡陰方剛柔爲類聚之凡

物

陽之陽爲

飛走之羣

陽之陰爲

蟲魚之羣

以

羣

陰之陰爲

土石之羣

陰之陽爲

草木之羣

分

動

物

屬

陽

乾



陽之陽

艮

陽之陰

坎

陽之陰

震

陽之陰

巽

陰之陽

離

陰之陽

兌

陰之陽

植物屬陰

坤




陰之陰

天下之動者不能植偏於陽也植者不能動偏於陰也  
陰陽之物以是而羣分惟人爲能動而植所以得陰  
陽之全靈於物而爲之羣分以卦分之乾陽之陽爲  
飛走之羣艮坎震陽之陰爲魚蟲之羣坤陰之陰爲  
土石之羣巽離兌陰之陽爲草木之羣

一云陽剛物陰柔物物指畫言物衆爲羣三亦曰羣柔  
與柔羣剛與剛羣剛本在上之物在上不下在下則  
上柔本在下之物在下不上在上則下凡剛物或在  
上或在下皆以羣而分之於上凡柔物或在下或在  
上則以羣而分之於下

# 易知來數往圖



說卦天地定位山澤通氣雷風相薄水火不相射八卦  
相錯數往者順知來者逆是故易逆數也先儒謂此  
伏羲卦位先天之學本義起震而歷離兌以至於乾  
數已生之卦也自巽而歷坎艮以至於坤推未生之  
卦也是以已生爲數往未生爲知來意謂陽順而陰  
逆也但據一圖分已生未生又以半爲數往之順半  
爲知來之逆恐未然夫易示人以知來之學而藏往  
在其中也蓋陰陽消長其幾甚微而吉凶悔吝具在  
故陽方長卽當保其微既長則當懼其過所以一陽  
方復於下卽以爲元吉於乾初曰潛龍勿用上則凶

於乾上曰亢龍有悔盈不可久也防陰亦然所以一陰方娠於下卽以爲見凶於坤初曰履霜堅冰至上則吝於坤上曰龍戰於野其道窮也所謂其初難知其上易知見其微而逆知其將來不待顯著而後爲之圖也曰研幾曰知幾其神曰顏氏之子庶幾言於豫者以雷出地奮取象吉之先見出幾卽幾卽善故能知微知彰知柔知剛言於復者以雷在地中取象非幾有不善也伏幾以嘗知不善知之未嘗復行爲幾所謂淵默雷聲易道逆知將來蓋如此嘗觀古太極圖一陽復於坤而究其極則純乎乾一陰娠於乾



而究其極則純乎坤皆天地自然之道聖人不過指象垂訓使人明於極數知來之占占以此耳故觀圖象卦位其順逆往來可以左右言不可以陰陽分也審矣然則自乾之純陽歷兌離以至一陽之震而其原則純陰自坤之純陰歷艮坎以至一陰之巽而其原則純陽非數往之順乎自震一陽歷離兌以至乾之純陽而陰又將姤自巽一陰歷坎艮以至坤之純陰而陽又將復非知來之逆乎可見左旋則總爲知來右旋則總爲數往不必以乾一等卦從中半分其順逆也易以知來爲主陰陽往來生生不窮於此總

以逆數是以逆而數之由一奇以推極乎數之陽由一偶以推極乎數之陰自震至乾自巽至坤按圖象卦位皆逆也況數其已往知其將來理本一致陰陽之消息盈虛循環无端詎可截然二分之哉

往者由中之外之辭來者由外反中之辭蓋卦質乎事爻畫乎心義具往來而吉凶之幾則原於天凡逆之旨本天而已在人心則未發之中邵子所謂心爲太極是也卦以事爲質无是事則无是卦事有不得不詳故曲暢其往而使人道盡所謂麗於事也坤生震兌乾之義也爻以心爲畫有是心則有是爻天有所

不得違故精研其來而使天道明所謂畫於心而原於天也乾生巽艮坤之義也孔子贊易旣明六十四卦之中又遡於太極密於退藏推本義畫之由如此學易君子誠盡人以希天不必求諸卦數之逆凡由外反中審於幽獨歸循性命所自始莫非知來矣故曰逆數者所以致未發之中

數往者順知來者逆如啓蒙卦變一卦爲主各具六十四卦順變將去自初而終自上而下由乾以至於坤逆變將來自終而初自下而上由坤以反於乾蓋畫始於乾之一奇而兆於太極

八卦相錯數往者順知來者逆往順坤道也來逆乾道也易逆數乾爲主一乾立而六十三卦盡在其中矣錢國端曰兩儀未生以前自屬於來原不言往來往二字甚活如人端坐在家原不曾往何須說來聖人要人知來只因一向往外喚他來家耳又曰天地定位章指示人心一箇太極全體出震章指示人心一箇出頭道路自乾一順至坤從天墜到地面易逆數便要從地仍舊上天其在坤震之交乎兜根雷從地起言坤便該逆至巽言震便該逆至乾故以言其帝出蓋逆數之起從此出非易天地之位實乃定天地之

所定而位天地之所位者也又曰聖人所謂順逆原本八卦相錯而言以乾坤六子論乾錯坤而有震坎艮坤錯乾而有巽離兌自乾錯坤而生三男順也合三男而成其爲全乾逆也自坤錯乾而生三女順也合三女而成其爲全坤逆也以六十四卦論凡一卦必上下相錯而成十六卦如乾爲主而上錯下錯皆八卦順也上錯下錯之八卦无一不以乾爲主逆也餘七卦皆可例推舉要言之往水之流也來水之原也數往沿流之順也知來窮原之逆也由太極而陰陽卦象數往之順也由卦象陰陽而太極知來之逆


也繫傳曰形而上者謂之道形而下者謂之器聖人作易教人由器悟道人生斯世但使順水船只管向下流日流日下必撐逆水篙方反向上流日撐日上此往順來逆之義又如少而壯壯而老老而死是順年彌高血氣雖衰志氣无懈令此七尺軀交還得天地是逆交還得天地如人到家爲知來交還不得天地如人久旅客死於外爲不知來聖人重知來以易爲逆數或如此

楊止菴曰易生生之序自乾知來上生姤一陰遯二陰否三陰觀四陰剥五陰坤六陰爲逆卽自復一陽臨

二陽泰三陽大壯四陽夬五陽乾六陽爲數易自知  
來者逆而起至數往者順而止故曰逆數也

# 通 知 晝 夜 之 圖

天半覆  
 地上半  
 隱地下  
 日半行  
 天上半  
 入地中





通 知 晝 夜 圖 二

○

晝

天本无晝夜  
以人在地上  
故日在地下  
爲夜爾

夜

○

通 知 晝 夜 圖 三



天包乎地地之上天也地之下亦天也日與天同運天  
无晝夜日亦无晝夜也其有晝夜之分者日出乎地  
而明則晝日入於地而暗則夜耳知日通晝夜而明  
則近而一呼一吸遠而千萬世之上下猶是也彼日  
用不知者无足論卽人各一見明於東而暗於西通  
乎此而塞於彼何嘗不自以爲知乃晝尚未通況乎  
夜也如是而謂其能全自性之知乎此王慶太玄擬  
卦日星節候圖之所以作也知果通晝夜而无一息  
之間豈致冥行罔生百年長夜則神易炯然於自性  
以致知希聖之通明一也故曰終日乾乾夕惕若知

至至之知終終之庶幾通晝夜之道而知

子者乾之始而終於巳午者坤之始而終於亥陽爻二百九十二晝數也其數一千七百二十八陰爻一百九十二夜數也其數一千一百五十二總而言之二千八百八十凡四求之合萬有一千五百二十故曰通乎晝夜之道而知

方達卿曰非知晝夜也明陰陽之道也人心之體卽是一陰一陽中常炯炯流行不息便是知陰陽便是通晝夜之道

龔深之曰流行於天地間者无不受命於陰陽而從役

於晝夜其微有消息其著有盈虛其分有幽明其數  
有生死隨流轉從未嘗知其爲晝夜也故成然止冥  
然行惟晝夜之所驅耳通乎晝夜之道者則異此雖  
與之來而有所謂不來雖與之往而有所謂不往故  
其體爲神其用爲易

通乎晝夜之道而知所知者通晝夜之道耳或謂晝有  
晝之道乾之動直坤之動闢於人爲感通夜有夜之  
道乾之靜專坤之靜翕於人爲宴息故曰剛柔者晝  
夜之象晝非自晝而爲夜之根夜非自夜而爲晝之  
根循環无端生生不息不舍晝夜之逝亦此義然不

舍晝夜曰逝通乎晝夜曰道此處間不容髮一息而  
舍卽非逝一息不通卽非道人之感通冥息无截然  
晝夜之分如人睡然惟氣極昏濁者纔不知覺氣質  
清明之人瑩然自在夢之有无凶吉莫不炯識此通  
乎晝夜之道而知蓋時有晝夜而此知无晝夜念有  
動靜翕闢而此知无動靜翕闢神无方而易无體卽  
是此箇道理乾知大始窮神知化亦卽通晝夜之知  
大學欲誠其意先致其知亦以意猶形而下日有念  
久有夢皆意所變化知乃形而上超乎念而不與念  
起滅超乎夢而不與夢變遷知外别无所謂道也

離坎分晝夜言震之出至離而中兌之說至坎而中離晝之明居巽坤之中欲其巽而順又常欲如坤之晦坎夜之勞居乾艮之中欲其戰而惕又常欲如艮之止○張子曰晝夜者天之一息乎寒暑者天之晝夜乎天道春秋分而氣易猶人一寤寐而魂交魂交成夢百感紛紜對寤而言一身之晝夜也氣交爲春萬物糅錯對秋而言天之晝夜也氣本至虛則湛然无形感而生則聚而有象有象斯有對對必反其爲有反斯有仇仇必和而解故愛惡之情同出於太虛而卒歸於物欲倏而生忽而成不容有毫髮之間其神矣按此妙合卦變之義

帝


三三 致役  
三三 乎坤

三三 說言  
三三 乎兌

三三 戰乎  
三三 乾

出

三三 相見  
三三 乎離



帝居中央

主造化之尊  
稱即天五也

三三 勞乎  
三三 坎

震

圖

三三 齊乎  
三三 巽

三三 出乎  
三三 震

三三 成言  
三三 乎艮



希夷曰正位稱方故震東離南兌西坎北四維言位故艮東北巽東南乾西北坤獨稱地者八方皆統於地也兌言正秋亦不言方位者舉正秋則四方之主時爲四正可類見矣離稱相見以萬物皆見於此兌稱說者正秋非萬物所說之時惟兌體爲澤澤者物之所說而不取其時艮稱成言者以艮體終止萬物无生成之義今云成言者以艮連於寅故特言之坤加致者以其致用於乾也觸類皆然

制器尚象圖

䷥

離 重離兩目相承邊實中虛爲物所麗結繩網

罟之象人无爪牙不能敵猛鷙之物害自有網罟  
既免物害兼收佃漁之利大哉聖人之仁乎○一  
曰重離有巽體巽繩離目網罟象又離雉巽兌爲  
魚佃漁象結繩而治亦自羲皇始因結繩而作之  
網以取禽獸曰佃罟以取魚鱉曰漁胡雲峰謂民  
以食爲先上古未有耕種則鮮食乃其先也

䷩

益 古者未有粒食神農始教民稼穡坤土必耒

耜乃能起之上巽二陽象耒之自地上而入下震

一陽象耜之在地下而動上郭氏謂震巽二木象而其象曰木道乃行義云天下之益莫大於是此於卦象又有合也○一曰乾金斲巽斲木也四之上成坎坎爲揉而乘震揉木也



噬嗑 上離日中象離中虛市墟象又二剛畫在

外富實藏貨象震出而前致民之象震二柔畫民也離明萬物相見聚貨之象一剛一柔相見有交易象以其所有易其所无遂願而歸各得濟其所用也鄭合沙云十三卦始離次益次噬嗑所取者食貨而已食貨者生民之本也○一云坤衆在下

爲市衆爲民艮止藏山海之寶聚貨象又坤往之  
乾致天下之民聚天下之貨也以坤交乾交易也  
得所陰陽均也

䷀  
乾

䷁  
坤

謝疊山曰乾陽在上衣象衣上闔而圓有陽  
奇象坤陰在下裳象裳下兩開而方有陰偶象上  
衣下裳不可顛倒使人知尊卑上下不可亂則民  
志定天下治矣○漢上朱氏曰上古衣裳相連乾  
坤象君臣一體也至秦始取衣裳離之而尊君卑  
臣上下判隔豈非服妖之大乎○胡雲峰曰食貨

足不可无禮於是垂衣裳以明尊卑貴賤之分所謂名分定而禮行也



渙 巽木在坎水之上二三四五舟虛象初偶二

楫運於舟後之象一曰巽木坎亦堅木剗剗者巽伏兌金象資以剗空其中剗薄其端方成舟楫也舟所以濟物楫所以進舟蓋渙之成卦上巽下坎彖曰利涉大川乘木有功也○張南軒曰衣裳之垂固欲遠近之民下觀而化然川途險阻則有所不通惟夫舟楫之利旣興則日月所照霜露所墜莫不拭目觀化天下如一家中國如一人矣




隨 初至四似離牛象震馬象易傳隨上卦牛二


角象下卦馬四足象又上六象拘係之乃從維之  
絡首穿鼻之象一曰坤牛而震足驅之服牛也震  
作足馬而巽股據之乘馬也坤輿震輶上六引之  
引重也內卦近外卦遠上六在外卦之外致遠也  
按此說取象較切○一云隨以震兌成體震動兌  
說亦隨其物性之動而說者服且乘之耳若強物  
性以不能而不堪安得謂之隨



豫 坤爲戶艮爲門闕重門也艮爲手坎爲堅木  
震爲聲手擊堅木而有聲擊柝也坤闔戶坎盜逼

之有民安居於內不受暴客侵凌之象楊氏曰川途旣通則暴客狎至不可无所以禦之之術故取諸豫如此

 小過 兌金斷巽木斲木爲杵也巽木入艮土掘地爲臼也又坎陷曰象杵動於上臼止於下四應初三應上下相應杵臼之利也震稼艮手杵臼脫粟之始民享飽食之利濟矣

 睽 兌反巽有木象離爲絲互坎弓弦本爲弧也兌金剡坎堅木而銳之剡木爲矢也兌決乾剛威天下也一曰睽卦初四二陽象弧三五二陰象矢

二上二陽象弦弦附弧而後矢加之所以利也



大壯 震木在上棟也乾天覆下宇也兌澤雨象

反巽風象一曰大壯下四剛棟承上而隆之象上二柔宇伏下而垂之象



大過 巽木兌反體亦巽木四陽在中有棺槨象

一云木在澤下中有乾父棺槨也墓則棺周於身槨周於棺土周於槨大過之義也



夬 乾兌本同生老陽判爲二卦今復合成夬有

書契判合象兌金行天又有雕木象一云書契自一畫刻至五畫則爲乂蓋至五而窮也窮則變決



有五奇畫象書契之一二三四五至六則變矣故  
上畫偶者奇之變也象契上端分爲二處○十三  
卦制作自畫卦始至書契終蓋肇萬世文字之祖  
而實千聖道統之宗也

程舜俞曰網罟耒耜以足民食交易舟車以通民財杵  
臼弧矢以利民用衣裳以華其躬宮室以定其居門  
柝以衛其生棺槨以送其死凡所以爲民利用安身  
養生送死之道已无遺憾矣然百官以治萬民以察  
卒歸於夫之書契者器用利便則巧僞生憂患作聖  
人憂之故以書契終書契可以代忘言之治而治察

可以防書契之僞也

鄭子器曰益莫大於稼是以耒耜取諸益然離之佃漁  
噬嗑之交易必先於垂衣裳之乾坤明佃漁耒耜交  
易具然後君得垂衣裳而治之是君藉民一驗也市  
道興而不以通之則益者窮故爲渙之舟楫隨之服  
乘小過之柝曰以利用用之而有爭奪故爲豫之門  
柝睽之弧矢以守貨守而獲安故爲大壯之棟宇大  
過之棺槨以厚生然後張官置吏而爲夬之書契則  
君道立是又官藉民一驗也佃漁耒耜交易益之原  
舟楫服乘柝曰益之通門柝弧矢益之守棟宇棺槨

益之厚書契益之治雖謂諸卦皆益可聖人盡以其  
益厚下而已穆然惟垂衣裳以臨之爾易言元亨而  
繼以利未嘗禁利且導之利天下大利舍王者安歸  
叔世不然朘削之事多方以試佃漁莫不榷之而離  
之益盡稅履畝征鋤銚貸青苗而益之益盡酤葬有  
榷鹽麪有額手實有斂市易有稽而噬嗑之益盡算  
舟車賦武馬而渙隨之益盡蔗席黃蘆鬻酒坊牙契  
會竹有監木有課而睽豫大壯小過大過之益盡所  
搜之孔愈多所入之利愈纖而所出之用愈不足至  
於夫不能治而乾坤亦幾於易位欲垂衣裳得乎語

曰善養生者如不欲食啖病火者啖藥多瘠彌甚啖  
不足益肌火鑠之也以損爲益何以異此

九德卦

履 ䷉

德之基 和而至

以和行

謙 ䷎

德之柄 尊而光

以制禮

復 ䷗

德之本 小而辨於物

以自知

恒 ䷟

德之固 雜而不厭

以一德

損 ䷨

德之修 先難而後易

以遠害

益 ䷩

德之裕 長裕而不設

以興利

困 ䷮

德之辨 窮而通

以寡怨

井 ䷯

德之地 居其所而遷

以辨義

巽 ䷸

德之制 稱而隱

以行權

陸象山曰九卦之序復是本心先之以履謙履之爲卦  
上天下澤人生斯世須先辨得俯仰乎天地而有此  
身以達其素履履有得有失又繫於謙與不謙之分  
謙則精神渾收聚於內不謙則精神渾流散於外惟  
能辨一身所以在兩間舉措動作之由而斂藏其精  
神使之在內而不在外則此心斯可得而復矣夫之  
以恒又次之以損益又次之以困蓋本心既復謹始  
克終曾不少廢以得其恒而至於堅固私欲日以消  
磨而爲損天理日以澄瑩而爲益雖涉危蹈險所遭  
多困而此心卓然不動然後於道有得左右逢原如

鑒井取泉處處皆足蓋至於此則順理而行无纖毫透漏如巽風之散无往不入矣

孔正義憂患以修德爲本六十四卦悉修德防患之事于此九卦最著故特舉以言

鄧潛谷曰九卦在上經者三在下經者六反對者四不反對者五有乾者一尊乾也坤坎艮者二兌震者三巽者五巽入也重巽貴其深入之也其有坎坎陷也其无離不用離也蒙大難者晦其明故終於隱隱至明之極也憂患人所時有聖賢未有能免者乃所以處憂患者惟德非以憂患故修德也豫之至也

胡雲峰曰夫子偶於上經取三卦下經取六卦言文王以憂患之心作易而處憂患之道自无非易也履之象上天下澤定分不易其爻以兌一陰安處於乾三陽之下此履之所以爲禮也謙之象地中有山不見其高其爻以艮一陽退處於坤三陰之下此謙之所以制禮也復則一陽生於五陰之下天地之心可見如壙之基所以立如器之柄所以執文王之禮也如木之本所以生文王之仁也恒德之固文王之心无時而非禮无時而非仁也損以懲忿窒慾益以還善改過困以知命而取舍有辨井以定性而動靜不改



其終也巽順於理以制事變文王无適而非義也

又曰三陳九德雖夫子偶自九卦言之然上經自乾至履九卦下經自恒至損益亦九卦上經謙至復五卦下經益至困井亦五卦上經復至謙九卦下經井至巽亦九卦上下經對待如此整齊又似非偶然者或於此可以見文王之心上經復後八卦爲下經之恒下經巽訖未濟復爲上經之乾矣不言乾者文王常存事君之小心不知有君民之大德也九卦上下體无離文王晦其明者也然互體有離在焉實未嘗不明也

象旨九卦之陳履謙復恒損益所以豫其內困井巽所以利於外學齊佔畢三陳九卦初德次體次用本括蒼龔氏而龔說又原於九家易也

章本清曰九卦首履繼謙履象一陰明上下之分說而應乾履虎尾而不咥用六永貞以大終於履三一爻見之謙象一陽得遜順之宜內止外柔爲君子之有終用九天德不可爲首於謙三一爻見之

吳臨川曰再陳履復損井取義以下體爲先謙恒益困取義以上體爲先巽純重卦亦以上體爲先

柴中行曰道始於踐履終以行權故孔子以可與權爲

學之至

真西山曰九卦當各就全卦反覆觀之以求夫所謂處  
憂患者庶乎得之

胡雙湖曰三陳九卦自有次第初論九卦之德次論九  
卦之材次方論聖人用九卦以處憂患之道

瞿氏九思曰由履謙純然以一敬緝熙無間以至於巽  
此所以爲疊疊之文王由履和而至謙尊而光以馴  
至於巽稱而隱渾然不露人莫有知此所以爲穆穆  
之文王

錢國端曰履謙人道之立坤之三交於乾之三爲履乾

之三交于坤之三爲謙俱一陰一陽爲主履首明上下尊卑之分謙盡忘功勞矜伐之心至於謙之三下而爲初以止翻動時時處處无用不謙又无時无處无不自知无非夜半雷聲戒謹恐懼之流行是之謂復次恒損益困井五卦俱三陰三陽之分无用不平終以巽无之非柔順謙抑之道完結謙字一案以明天澤之分此作易聖人所以處憂患之道

李鵬南曰上經卦三三敘而九下經卦六三敘而十八履十謙十五復二十四恒二損十一益十二困十七井十八巽二十七九卦之數總一百三十有六凡三

求之四百有八也周天三百六十成數也餘四十八  
陰陽所以進退也陽進於乾六月各四十八復至陰  
退於坤六月亦四十八姤至坤也此九卦數之用也

大易則通卷第十五

孫 蔚先 敬刊